

Oqaluuserisassanut nassuiaat.

(Inatsisartut Siulittaasoqarfiat)

2013-imi Inatsisartut ukiakkut ataatsimiinnissaannut UKA 2013-mut oqaluuserisassatut siunnersuutit siunnersuutillu oqaluuserisassanngortinneqartut ulloq 16. august 2013 saqqummiunneqarput.

Ullut ataatsimiiffiusut ataasiakkaat ingerlaavartuussapput, taamaalillunilu immikkoortut ullumi ataatsimiiffiusumi oqaluuserineqarfissaminni angumerineqanngitsoortut ullormi ataatsimiiffiusumi tullermi oqaluuserineqartassallutik.

Inatsisartuni ataatsimiinnerit nal. 18:00 naammassereersimasarnissaat anguniarneqarpoq.

Inatsisartunut ilaasortat partiilluunniit oqaluuserisassanut oqaaseqaatissaqarunik kissaateqarunilluunniit oqaluuserisassat nassiunneqarnerannut atatillugu qinnuigineqarsimapput ataatsimiinnissaq kingusinnerpaamik sapaatip akunnerannik ataatsimik sioqqullugu Siulittaasoqarfimmut saaffigineqqullugit.

Siulittaasoqarfik oqaluuserisassat immikkoortulluunniit ataasiakkaat pillugit saaffiginnissutinik uparuaatinilluunniit tigusaqanngilaq, taamaattumillu oqaluuserisassat partiini ataasiakkaani akuerineqarsimasutut isigalugit.

Naggataatigut oqaatigineqassaaq Inatsisartunut ilaasortat ataasiakkaat namminneq akisussaaffigimmassuk siunnersuutimik kalaallisut danskisullu eqqortumik oqaasertalerneqarsimanissaat. Siunnersuutini oqaasertaliussanik erseqqissaaso-qarniarpat taakkununga iluarsiiisutit siunnersuutip oqaluuserineqarnissaa sioqqullugu Allattoqarfimmut nassiuteqquneqarput.

Oqaluuserisassat akuerineqartutut isigineqarput.

Ullumi ataatsimiinnermi Inatsisartunut ilaasortat Kim Kielsen, Siumut aamma Sara Olsvig, Inuit Ataqtigiit kiisalu Gerhardt Petersen, Atassut aamma Mimi Karlsen, Inuit Ataqtigiit taasisarnerit pillugit isumaqtigiissuteqarput.